

Entendi Novu Planu di Skolha di Skola Baziadu-na-Kaza

Kumesandu na Janeru di 2014, Skolas Pùbliku di Boston (BPS) ta ben komesa ta uza novu planu di kulokason na skola pa alunus di Jardin ate grau 8. Dezenvolvidu pa un kumitê sternalu ku opinion di komunidadadi, es novu planu ta ilimina kes 3 zonas grandi y ta djuda alunus sisti skolas di kualidadi, pertu di kaza. Na primeru anu, el ta ben sirvi alunus ki sta ta entra na graus K0, K1, K2 y 6, ku un grau adisionadu kada anu dipos. Liseu ta manti komu opson di sidadi interu pa tudu alunu.

Planu Baziadu-na-Kaza:

- Aumenta pusibilidadadi pa famíliã resebi un di ses skolhas prinsipal
- Aumenta asesu di igualdadi jeral a skola di kualidadi
- Asegura ki alunus ki sta ta entra jardin ten skola di kualidadi pa skodji
- Diminui media di distansia ki un kriansa ta viaja pa 40 porsentu
- Ta oferesi prioridadi di irmon, pa irmon y irman fika na mesmu skola
- Ta oferesi skolhas di sidadi interu pa tudu famíliã, y ta liga skolhas ilementar ku skolhas mediu atraves di “kaminhus” voluntariu.

Planu Baziadu-na-Kaza ta uza diredon di kaza komu pontu di partida:

- Nu ta oferesi un **lista personalizadu** di skolha di skolas pa tudu famíliã baziadu na ses diredon di kaza. El ta inklui tudu skola ki sta dentu di un milha di kaza mas, si nesessariu, skolas pertu ki ten nivel mas altu di dezenpenhu y kresimentu na MCAS. El ta asugura ki kada famíliã ten asesu a skolas di alta kualidadi, sen leva en konta ondi ki es ta mora.
- Lista podi tanben kresi, si nesessariu, pa inklui skolas ki ta oferesi K0, Klasi di Trabadju Avansadu (AWC) y mas, y pa asegura ki nu podi oferesi kada kriansa un lugar na skola na se lista. Kes skola ta txomadu “Skola di Opson.”
- Kada famíliã ta ten pelu menus seis skolhas di skola; maior parti ta ten un media di 8-14 skolha.
- Famíliã podi selesiona kalker skola di sidadi interu.
- Planu Baziadu-na-Kaza é un loteria; anton nu ka podi garanti ki un algen ki aplika ta ser kulokadu na un di ses skolha prinsipal. Sima na pasadu, devidu a spasu limitadu, nu ka podi garanti un kulokason na skola pa alunus di K0 o K1. Alunus ki aplika pa jardin (kindergarten), grau 6, y grau 9 na Janeru ta ten midjor ipotezi di ser kulokadu na ses skolha di skola prinsipal.

Planu Baziadu-na-Kaza é dezenhadu pa asegura ki tudu famíliã ten skolhas di alta kualidadi na ses lista personalizadu. Nu agrupa skolas na kuantu **kategoria di MCAS** diakordu ku dezenpenhu di alunu na testi di MCAS na últimus 2 anu. // Kada famíliã ten pelu menus 2 skola ku nota altu (Kategoria I – top 25%) y pelu menus 4 skola na metadi mas altu di dezenpenhu di MCAS (Kategoria I y Kategoria II) na ses lista personalizadu. // Nu sabi ki famíliã ta djobi txeu fatoris alen di MCAS pa disidi si es kre un skola, y nu sta ta trabadja ku komunidadadi pa dezenvolvi un midida mas durador di kualidadi.

Pa Alunus ki Sta ta Prendi Inglês y alunus ku difisiênsia, planu baziadu-na-kaza ta kria un grupu komunitariu di skolha di skolas pa djuda asegura ki alunus podi matrikula na skolas ki ta oferesi prugramas di kualidadi mas pertu di kaza.

Planu Baziadu-na-Kaza é mas previzivel y ta da pais midjor oportunidadi pa sabi ses skolha ku antesedênsia.

El ta signifika ki famíliã podi prendi mas sobri skolas sedu, ki podi fortaleci ligason entri skolas, alunus, y famíliã. Mas informason sobri planu di Kulokason Baziadu-na-Kaza ta sta dispunivel na bostonpublicschools.org na final di Setenbru. Famíliã podi tanben pa prendi mas sobre ses opson di skola baxu nu planu kumesandu na Novenbru duranti nos stason di Skolha di Skola.

KATEGORIA DI MCAS

